



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Irregularitas.

**urn:nbn:de:hbz:466:1-10447**

& aliis licentiam dare, idem *Bull.* 108.  
nec syndicantur, *Inn. IV. Bull.* 3.

## IRREGULARITAS:

**P**rimò, quia dictum est Episcopum posse dispensare super irregularitate occulta (excepta, &c.) Dubitatur primò, an dicatur occulta, si presbyter alias excommunicatus, celebrat coram aliquibus, eam excommunicationem ignorantibus: secundò, an si auditores ipsi sciunt talem presbyterum esse excommunicatum, sed nesciunt, quòd celebrando cum tali censura, sit irregularis: tertio, & si sciunt utrumque, tamen sunt duo, vel tres tantum, vel quatuor, sit irregularis?

Respondetur, quòd in nullo istorum trium casuum potest dici publica irregularitas, & consequenter posse Episcopum cum illo dispensare, per *d. ca. liceat*, ita *Navar. conf. 2. de cler. non ordin. min. & in Manua. capit. 27. num. 250.* imò etiam si esset coram quatuor, vel quinque personis, ut probavimus in *ver. Excommunicatio, de cau. for. dub. 6.*

Secundò, quia dictum est clericum accipientem aliquod Sacramentum cum aliqua censura ecclesiastica, effici irregularem, an hoc sit verum in omni Sacramento; nam si hoc esset verum, sequeretur, quòd aliquis sciens, vel scire debens, se excommunicatum, & confirmaretur, confiteretur, communicaret, contraheret matrimonium, vel acciperet extremam Unctionem, efficeretur irregularis,

Respondetur primò, quòd solum in Sacramento Ordinis, i. exercendo actus ordinis peculiaris, non in aliis, imò in Sacramento ordinis, si non esset excommunicatus, vel suspensus, vel interdictus, non efficeretur irregularis; tertio, sed si ordinaretur, vel antea etatem, vel sine dimissoriis, vel titulo, vel extra tempora, solum efficeretur irregularis in ordine presbyteri, non autem in aliis duobus sacris ordinibus, quia in his solum esset suspensus: quartò, & in minoribus, neque suspensus: ratio est, quia in ordine presbyteratus accipit & conficit, accipiendo fit suspensus, conficiendo irregularis, in duobus solum suspenditur, sed si exercuerit illos, efficitur irregularis: quintò, in minoribus non suspenditur de jure, nisi ob *Bullam Sixti V.* sed quia ista est jam revocata, per *Greg. XIII.* ideo non fiunt neque suspensi, neque irregulares, etiam si exercuerint, *Nav. conf. 3. de cler. excom. celebr. oppositum dicitur in 3. p. in ver. dimissoria,* quoad ordinantem; incurrit enim ordinans ordinando aliquem, etiam in prima censura sine literis, sive inferioris, *ca. fin. de temp. ordin. lib. 6.* hoc fallit, quando innodatus aliqua censura ecclesiastica, exerceret actum peculiarem ordini minori, quia tunc esset irregularis, prout dictum est in *ver. dimissoria, s. secundo,* & hoc quando ut clericus, & non ut laicus, sed incurrit excommunicationem, & efficitur irregularis, qui accipit ordines simoniacè, *Nav. conf. 97. nu. 10. de simon. & in Manua. ca. 23. n. 3. ver. at u,* ubi ait, quòd ordinatus simoniacè non solum



solum est suspensus, sed excommunicatus ipso jure, & excommunicatio est reservata Papæ per *Extravag. secunda, de simon. & capit. tanta, de simon.* ut ibi dicit Inn. hoc intellige, si esset publica, secus si occulta, per capitulum liceat, imò simonia in beneficio parit solum excommunicationem, in ordine verò suspensionem, & excommunicationem, Nav. *loc. cit. notab. tertio, quarto, quinto, sexto, & septimo, Syl. ver. simonia, q. 19. Cov. in ca. alma mater. p. 2, num. 4, ver. caterarum.*

Tertio, an qui ordinatur per saltum, sit irregularis, *ca. 1. de cler. per. sal. ordin.*

Respondetur, quòd sic, *gl. in d. cap. in ver. de misericordia,* ubi Episcopus dispensat, sed si vult promoveri ad ordinem omissum, debet id secretò facere, & cum dispensatione Episcopi, alias si fieret publicè, non posset cum eo Episcopus dispensare, per *capitulum licet,* si verò exercuisset ordinem quem non habebat, esset irregularis, Nav. *consil. 3. nu. 4. de sac. non iter. & indigeret Papali dispensatione, per capitulum, 1. de clerico, non ordin. celeb. & in Manua. ca. 28. n. 242.* sed ego dico quòd potest Episcopus etiam dispensare cum ipso, si esset occultum, per *d. ca. liceat,* & Nav. *loc. cit. utitur verbo, videtur, sed non certò asserit.*

Quartò, irregularis, vel suspensus, est inhabilis ad beneficia obtinenda, sed priùs obtenta non perdit, verùm fructibus non potest uti, nisi prout disponit *glos. in capit. cum Vintoniensis, in ver. admiserunt, de elect. & Covar. lib. 3. c. 13. num. 1. & numero 10, cum sequent.*

*Prax. Episc. Pars II.*

*Diaz pract. crim. Can. cap. 122: & an idem sit de deposito solenniter, vel excommunicato, vide Covar. loc. cit. Fel. in c. ex parte, de accus. vide in ver. privatio, §. 1.*

Quintò, non dicitur irregularitas publica, & consequenter indispensabilis ab Episcopo, per *c. liceat.* eo quòd socius meus confessus est me commisisse delictum, modò nihil contra me probatum sit, Navar. *conf. 2. de sent. & rejud.*

Sextò, irregularis non fit qui celebrat sine peccato, etiam si habet censuram ecclesiasticam, & putat se bene absolutum, & qui ministrat sacramentum in necessitate, vel ad evitandum magnum scandalum, Navar. *conf. 49. de sent. excommun. & dicam inferius, q. 9.*

Septimò, si aliquis est excommunicatus, & inciderit in irregularitatem, vel per illam, vel per aliam excommunicationem, vel censuram ecclesiasticam, vel ob aliqua alia, an possit absolvi ab excommunicatione, absque eo quòd dispensetur in irregularitate?

Respondetur, quòd sic, Nav. *conf. 50. n. 4. de sent. excom.* & ratio est, quia in Jubilæis, & aliis gratiis, quibus datur facultas absolvendi à censuris ecclesiasticis, non datur regulariter potestas dispensandi super irregularitate, & tamen lucratur Jubilæum, vel indulgentiam, etiam cum irregularitate, & potest quis esse sanctus, & irregularis, modò sit sine peccato.

Octavò, an irregularis, vel inhabilis ob aliquod crimen, sicut est inhabilis

ad

ad



ad beneficia obtinenda, ut patet *vulgaris*, & per *fac. Cong. Tri: ses. 13. c. 7: de res. Cap. dec. 236: par. 2.* sit etiam inhabilis ad pensionem, *Nav. conf. 11: n. 2: ver. ad secundum*, dicit quòd sic, per *text. in c. quam grave, de crim. fal.* & ita servari de *tylo Curia, & Apostil. ibi dicit sic decrevisse Rotam.*

Nond, an fiat irregularis, si quis esset excommunicatus, suspensus, vel interdictus, & celebraret vel administraret sacramenta in necessitate, vel ut evitaret aliquod grave scandalum?

Respondetur, quòd non, quia ad incurrendam irregularitatem hujus generis, requiritur contemptus, & hujusmodi non præsimitur adesse, quando adest necessitas, *In. in c. cum medicinalis. n. 3: & 4: de sent. exc. & in c. sicut, in ult. de cohab. cler. & mul. vide in pract. mea pœnit. q. 19: ver. dico quartò, c. 19.*

Decimò, irregularis non est ipso jure inhabilis ad beneficia obtinenda, intellige simplicia, & quæ ordinem sacrum non requirunt, *Caputaq. dec. 236. p. 2. nec homicida, nisi qui occiderit ex industria, Conc. Trid. loc. c. si ff. 14: c. 7: de resor. vide superiùs, ver. dispensatio, §. 3. Nav. conf. 45 n. 1. tamen communis est in contrarium, maximè quoad homicidam, Covar. ibi citatus.*

Decimoprimum, an omnis irregularitas auferatur per ingressum Religionis.

Respondetur ex *Nava. in capit. non dicatis, numero 61.* quod solum tollitur illa, quæ oritur ex natalibus, putà illegitimas, contra *gloss. in capit. cum deputati de jud. & ibi Anton, Sylvest. in*

*ver. irregularitas, §. ultim.* dicit quod per ingressum religionis solum tollitur irregularitas, quæ contrahitur sine proprio delicto, ut *in capite primo, de fil. presbyt.*

Decimosecundò, an irretitus pluribus irregularitatibus indigeat pluribus dispensationibus.

Respondetur, quòd sic, juxta *Addit. Alex. de Nevo, Ab: in cap. si celebrat, de cler. excom. celebr. sed Nav. in cap. 27. num. 194.* dicit sufficere unam tantum dispensationem, ex *Ionoc.* quem citat: hoc tamen fallit, quando quis haberet plures irregularitates, & in impetratione dispensationis, vel beneficii faceret mentionem solum de una, quia tunc dispensatio & impetratio esset subreptitia, *Nav: conf. 27: de resor. nempe si sunt plures irregularitates ortæ ex pluribus capitibus sive delictis, putà una ex homicidio, altera ex bigamia, altera ex mala ordinis exceptione. tunc bene dicit Addit. Alex. & Nav: in d. consil. sed quando essent multæ ex una causa ortæ, ut putà, quia excommunicatus pluries celebravit, tunc vera est opinio Ina. & Nav: prout in consilio 13: de raptor. num: 6: & consil: 15: & 16: de cler. excommun. celebr.*

#### INSTITUTIO.

**Q**UOD tempus datur Ordinario ad instituendum præsentatum legitime ad jus patronatus?

Respondetur, quòd de jure communi, nullum, prout dixi *in ver. jus patronatus, §. 8: dub. 3.* tamen in parochialibus limi-